

臨武縣志卷之

蠲政志

暄可負芹可獻羔羊朋酒可以躋堂稱觥草莽中所
爲輸忠而納蓋者惟恐其不摯何敢希恩倖澤於惟
正之供妄邀復免乎顧自上下下其道大光我
國家

列聖相承膏施豐沛蠲祖賜復幾於史不絕書視彼豐沛
之惠限於一隅文景之恩祇及再世者殆相逕庭矣
臨雖僻在一隅恭逢

臨武縣志

卷之二十八

蠲政志一

豁免之期一體沾沐謹臚列之以見

聖朝優恤之典上登三下咸五夫豈漢魏以後之所可同

日而語哉志蠲政

曹家玉識

順治十一年奉

詔順治六七兩年直省地丁本折錢糧拖欠在民者悉予

豁免

順治十二年奉

詔順治八九兩年直省地丁本折錢糧拖欠在民者悉予

豁免

康熙元年奉

詔直省順治十五年以前民欠各項銀米藥材紬絹布匹等項錢糧概行蠲免

康熙四年奉

詔直省順治十六十七十八等年各項民欠錢糧俱令蠲除

康熙十年覆准湖南各官捏報墾荒一時希圖紀錄以致百姓包賠錢糧世受其累行令該撫查明悉予蠲免又奉

臨武縣志

卷之二十八

蠲政志二

恩詔蠲免直省康熙四五年舊欠地丁等項錢糧

康熙二十年奉

恩詔康熙十七年以前民欠錢糧該督撫查明保題豁免
康熙二十三年奉

恩詔湖廣省分自用兵以來供應繁苦宜加恩恤二十四年所運漕糧著免三分之一自十三年起至二十二年拖欠漕項錢糧著自康熙二十三年起每年帶徵一年以免小民一時並徵之累

康熙二十五年奉

諭湖南福建兩省二十六年下半年二十七年上半年地

丁各項錢糧及二十五年未完錢糧盡行蠲免

康熙二十七年奉

諭康熙十七年以前民欠漕項銀兩米麥俱著蠲免

康熙三十八年奉

諭所有康熙三十九年湖南通省地丁雜稅等項錢糧着

一概蠲免

康熙四十四年奉

諭曩年楚省錢糧雖屢行豁免今已經歷數載未經特蠲

臨武縣志

卷之二十八

蠲政志三

六

應將該省額賦全免一年以示朕加恩優渥之至意

湖北湖南康熙四十五年除漕漕項糧外其餘地丁銀米

一概免徵舊欠未完者並停輸納

康熙四十五年奉

諭旨湖南自康熙^{十四}三年以前未完地丁錢糧通行豁免

康熙五十年奉

諭欲將五十年天下錢糧通行蠲免以諸臣集議自五十

年始三年之內全完一週湖南撫屬除漕項外五十

一年應徵地畝銀共八百四十萬四千兩有奇人丁

銀共一百二十萬八千一百兩有奇著察明全免並
歷年舊欠共五十四萬一千三百兩有奇亦俱著免
徵

康熙五十六年奉

諭湖廣帶徵地丁屯衛銀兩概免徵收

康熙六十年奉

恩詔各省民欠錢糧著該部查明具奏其年久應免者候
旨豁免

雍正八年奉

臨武縣志

卷之二十八

蠲政志四

諭江西湖北湖南三省著將辛亥年額徵錢糧各蠲免四
十萬兩

雍正十三年奉

諭將雍正十二年以前各省民欠錢糧悉行寬免又奉

恩詔民欠錢糧係十年以上者著該部查明具奏候豁免

乾隆十年奉

諭將乾隆丙寅年直省應徵錢糧通行豁免照康熙五十
年之例分作三年以次豁免丙寅年湖南地丁錢糧
通行豁免又各省蠲免正賦之年若有未完之舊欠

著一并停其徵收

乾隆三十五年恭逢

皇太后八旬萬壽湖南地丁錢糧通行豁免

乾隆四十二年

皇太后升遐推廣

仁慈奉

旨普免錢糧湖南輪於己亥年全行蠲免

乾隆五十五年恭逢

高宗純皇帝八旬萬壽普免天下錢糧

臨武縣志

卷之二十八

蠲政志五

乾隆六十年舉行歸政典禮奉

旨普免天下錢糧